



دار مثقفون

ديوان دمج الحروف

شعبان علم الدين

## دمج الحروف

بكت الحروف وجعي  
نرثت سطور احزان  
نصبت صوان موتي  
نسجت كنه فنان  
الحرف كان زاده  
خانه في يوم ما اتخان  
الحرف زي البشر  
لو هان عليك تتهان

مثقفون  
للنشر الإلكتروني





**الكتاب : دمع الحروف**

**المؤلف : شعبان علم الدين**

**تاريخ النشر : أغسطس ٢٠١٥ - ٠٨ - ٢٥**

**مقنونة الكتاب : ديوان شعر فصحي و عامية**

**دار النشر : مثقفون للنشر الإلكتروني**

# ومع الحروف

شعر

شعبان علم الدين

مَثَقَفُونَا

للمزيد من الكتب زورونا علي موقعنا

<http://mosaqfon-book-store.blogspot.com/>

مناقشة وإعطاء الرأي والنقد ننتظركم علي جروب مثقفون

<https://www.facebook.com/groups/moathaqafoon/>

## يا شعرُ

يا شعرُ كُفِّ عن شكوايَ بالألم  
ملّت حروفي مراسم الأحران  
مالي أرى في كل بيتٍ دمعاً؟!  
هلاً أرحت الدمع في الأجران؟!  
حرفٌ من البركات زُفَّ إلى  
شخصي ففجّر فرحتي بجناني  
والشاعر القلاوى خطّ بديعه  
وأنا حرف قصيدة بكياني  
الشعر بحرٌ قد غرقت بموجه  
قد غصت في أعماقه أشجاني  
فسقاني كأس الحزن منه عنوةً  
عن شاطئ الأفرح قد أعماني  
الشعر رسالته نرقى بها  
وبغيرها فالكل شيءٌ فاني  
لا يبقى في دنيا القصيد هشاشة  
ابلغ مرادي للقاصي والداني  
الشعر نهجٌ لا يغيب عن الذي  
يدرك بان الشعر كالفنان  
لابد كي يرسم له من لوحه  
يكثر من التشبيه بالإمكان  
أسف لأبي سوف أترك أرضكم  
فسماع صوت مؤذن بأوانٍ  
لكن سارجع بعدها كي نرتشف  
من فيض نهر بديعكم بلساني



## جريت

جريت تقف فوق المسرح  
وتقول أشعار  
جريت تبص لجمهورك  
والقلب بيرقص من جواك  
وانت شايفهم  
والفرحه بترقص في عيونهم  
إحساسك إيه؟!  
متقولش يا عم  
أنا من غير ما إنت هتتكلم  
هو صفهولك  
بتحس بتاج مترصع ماس  
من فوق الراس  
والمسرح عرش  
بحب الناس عاملين هولك  
وانت أميرهم  
بتحاول ترسم بالكلمات  
دنيا الأحلام  
لاجل اما يعيشوا بارواحهم  
نفس الإحساس



اللي انت رسمته بانغامك  
ويباركلوك  
علي احساس فرحه انت عايشها  
من رده فعل الناس  
بجمال القائك للأشعار وصلوهولك  
وبتختم حفلك  
وانت في قمه احساسك  
إن أنت لا كنت في يوم هتكون  
فنان لولا نعمه ربي عليك  
ثم الأفضال  
بالطبع لتشجيع جمهورك



## دمع الحروف

بكت الحروف وجعي  
نزفت سطور احزان  
نصبت صوان موتي  
نسجت كفن فنان  
الحرف كان زاده  
خانه في يوم ما اتخان  
الحرف زي البشر  
لو هان عليك تتهان

قدرت تقول  
خلاص نبعد  
وانا اللي القلب مطاوعنيش  
قدرت تقول  
باني كنت ليك خاين  
وانا اللي وفيت لدقاتك  
وكنت بلحن ضحكاتك  
عليها بعيش  
متلزمديش  
مدام البعد كان ردك  
مدام الدمع كان رافض  
عشانني يجري فوق حدك  
مانش راضي اكون ثاني  
في يوم سنذك  
ولا أترجاك متجرحنديش  
قدرت تدوس علي الأشواق  
وعلي الأشواك  
بنار هجرك عليها مشيت  
ودمع المجر مفارقنيش  
قدرت تدوس علي الالغاء  
وتبعثلي رسايل حظر  
بان القلب لغرامي  
ما عاد يشتاقي  
قدرت تقول خلاص متجيش  
قدرت تقص اخر خيط  
ما بينا اتمد





قدرت تحط  
بين قلبي وقلبك حد  
قدرت تهد  
قلبي اللي في يوم ما اتهد  
قدرت تبيع حروف شعري  
كانت مكتوبه يوم عنك ومتوفيش  
بعهد في يوم كتبته بدم شرياني  
قدرت تقول خلاص هبعد وتنساني  
قدرت تقولها من ثاني  
وتحرق نبض أشواقي  
ومتقوليش  
خلاص هقسي وهفتح حر بركاني  
وادوس على كل أحزاني  
واقولها لك متلزمديش

## وجينا الدنيا

وجينا الدنيا دي بصرخه  
وزغده م الشيطان توجع  
وبعد ما شفت أوضاعها  
يا ريت أقدر الف ارجع  
نزلت الدنيا شفت وشوش  
ابليس من غدرها بيرضع  
قلوب حملت شعور مغشوش  
فجور ينزل ده لو توضع  
تلاقي الف نسخه لبوش  
بتقتل حلمنا وتدفع  
في زهر أمل صبح مدووش  
معدش خلاص بقى يذفع  
تسيب الدنيا غير بميعاد  
وليلي عايشه متوجع  
وعشت الظلم فيكي بلاد  
غريبه عيونها ما بتدمع  
لقتل فقير لغدر عباد  
وصوتنا معدش بيسمّح  
تعيش الدنيا من غير زاد



يا اما بزادها ليك تخدم  
ده زادها ظلم كان في مزاد  
وكان في مزادها ١٠٠ مدفع  
يا تحصد بيها في العباد  
يا أمّا تحتها تركع  
ده شرط عشان تعيش لازم  
لغدر الدنيا دي تخضع  
وبعد ما شفت أوضاعها  
لبطن أمي يا ريت أرجع



## لابد نتفارق

وكان لابد نتفارق  
ودمع الخد يملا بحور  
عشان الحب كان سارق  
سنين م العمر صبحت بور  
وكان أخرت غرام بينا  
حروف مشنوقه بينها سطور  
جمل مدفونة في عيوننا  
ودقه قلب كان مبتور



## ومن للمسجد الأقصى

ومن للمسجد الأقصى؟!  
وأمه لم تزل تلهو  
ولم يبق لها دينا  
ومن للمسجد الأقصى?!  
إذا ما دنس الأعداء ساحته  
وبالقوة تعاديننا  
أيا أمه متي نصحو?!  
متي ندرك بان المجد والعزة  
في ماضينا  
ومن للمسجد الأقصى?!  
سؤال لم يزل يبكي  
علي الأمه ويبكىنا  
وحرة لم تزل تهتف  
تنادي اليوم حطينا

## اشتقت ليكي

اشتقت ليكي لضحكك  
بنظرة بشوف في عينيكي  
١٠ مليون ديوان  
لمسه ايدين وقت السهر  
بنسى المكان وأنسى الزمان  
نغم ابتسامتك يا قمر  
يشبه لعابد صوت ادا  
يا اللي انتي راسمه بسمتك  
فوق شعري حاسبي  
أنا بين ايديكي بكون جبان  
رغم البعاد رغم المسافه والحدود  
انا قلبي ساكن جوه منك زي جان  
مبتمنعوش ابدا بحور  
لو حتي ساكنه في الف دور  
تلاقيني جنبك في المكان  
ما أنا قلبي عاش يحلم بنور  
ضيه هواكي وانتني حور  
هربانه من جنه سماكي  
لأجل أمّا تبني ليا فيكي  
بنور عينيكي كثير جنان  
فاكرة السفر ولا البعاد  
هينسي قلبي بحور حنان  
والله لو مليون سنه  
كانت رصيدي من البعاد  
هفضل حبيبك وانتني عمر  
أنا عشته بعيونك كمان



## قلبي اللي كان

قلبي اللي كان  
عاشق وسرحان فيكي  
مفتوح وانا بسمح لزرع ايديكي  
مفتاح بيداني كلها بقي ليكي  
يلا أقفلي وشيليني جوه عنديكي  
وحناني نور لقلبي هيوديكي  
ابني بضيه في قلبي ليكي وبيكي  
أجمل مكان ده أنا ميه بتوضيكي  
لأجل أما تركعي ركعه وفي سجده  
تدعيلي ربي أكون حبيب وارضيك

إلى متى

إلى متى؟!!

والحزن يسكن في عيون  
تبتغي فرحاً يسرّ الناظرين

إلى متى؟!!

والظلم يسكن في ربوعك  
يقتل الإبداع والإصرار  
بالحقد الدفين

إلى متى؟!!

والسجن دارٌ

ياوي من رفع الشعار

بأننا من خير أمه

أخرجت للعالمين

إلى متى إلى متى

ويظل فينا صوت بغي الظالمين

يحصد الأرواح من أجسادنا

يدمي قلوب المعدمين

إلى متى؟!!

ويحنت لم أجد الجواب

سوى الدعاء ورفع أيدي المظلومين





## قولتِ باني

قولتِ باني  
كنت يوماً خائناً  
وبانني نهرٌ  
تدفق من عيون المومسات  
فلمَ شربت؟!  
ولمَ رضيت بالخضوع؟!  
فعلى ضفافك  
كان حتماً مصرعي  
ودمي تفرق في الوديان  
وارتوت الربوع  
لا لن تكون نهايتي  
فغداً ستندبت في ضفافك  
من دمي ذكرى  
وتنتحر الدموع

## قوليلي ازاى

قوليلي ازاى  
قدرتي تكوني  
في عز نار مر الليلي جنتي  
وازاى قدرتي  
تكوني كوني  
تكوني لوني  
تكوني نهر  
يشق مجراه جوه قلبي  
يروى بحنانه دقتي  
قوليلي ازاى يا حوريه  
نزلتي الارض  
وعديتي السبع سموات  
لاجل اما تسكني دنيتي  
قوليلي ازاى يا نسمة طيف  
في فصل الصيف  
قدرتي ترسمي بايدك  
طريق النور  
وتكوني ليا سكتي  
يا نونك نور علي ضيه  
برسم عليه  
أجمل ملامح ضحكتي  
وتاني حرف من اسمك  
أمل عايش عليه عمري  
قادر يبدد دمعتي



وتالت نقش دقه قلبك الطيب  
علي صوتها بترتاح كل آتاتي  
يا أجمل حرف ف قصتي  
وياء إسمك ده يوم فرحي  
يوم ما التقيتك  
كنتي أجمل لحن عازف غنوتي  
وأخر حرف من رسمك  
فهاء همسك  
ده أكثر حاجه تسحرني  
تصبرني برغم البعد وغريبتني

من أنت حتى بكل حرفٍ  
من حروف قصائدي  
بجنون هجرِكَ تعبئين؟!  
ما أنت إلا دقةً دقت  
علي أبواب قلبي بخته  
سكنت ولم ترحل  
وتهجر موطني إلا بجرحٍ  
يدمي أقدام السنين  
أخطات حين تركت  
عند مرسكٍ  
سنين العمر يحملها الحنين  
أو تهجرين قصائدي؟!  
فلتهجرين  
ما عاد بيت قصيدتي يبكي  
ولا يختل وزنه حين تفارقين  
وقوافي بيت قصيدتي  
ما عاد يضنيها بقايا  
من حنين العاشقين  
أو ترحلين؟! فلترحلين  
ما عاد حبر أقلامي يئن  
أو ينزف حروف الحزن  
فوق أوراق القلوب المغممين  
تباً لتلك الأحرف التي سطرتها  
عشقاً لقلبٍ بات يرسم  
في دروب الحزن بالمجر اللعين  
أنسيت أنك في ربوع القلب  
يوما تسكنين!؟

ميغركيش

رغم السكوت

بكتب كلام من غير حروف

يتحس بس ميغركيش

يتشاف معاني نهر جاري

ملوش سدود مبينتهيش

ميغركيش

رغم البعاد رغم الحدود

رغم القلوب مليانه خوف

فاكر يا عمري مبنساكيش

فاكر وفاكر نظرتك

حتي نغم صوت ضحكك

في غياب ملامحك رغم بعدك

ع النغم وياه بعيش

ميغركيش

من غير ما أيدي تلمسك

حاسك وحاسس لمسك

دقات قلوبنا بتحكي شوق

عاش قلوبنا ميغركيش

حتي القمر شاهد وكاتب

فوق ملامحه قصتي

يكفي ابتسامته

وهو بيسطر حروفها

كانه بيقولك يا عمري متقلقيش

رغم الظروف

شعبان ده عاشقك عشق روح

لو يوم تفارق الجسد

ازاي يعيش!!!!!!



## دموع الغيرة

شفت نهر الدمع نازف من عيونك  
دمع غيرة وحب مش ممكن يموت  
رغم دمعك كنت بضحك جوه مني  
ايوه بضحك  
أصل دمعك كان بيحكى لقلبي  
أجمل رحلة حصلت بين عيونك  
اه بحكى قلبي دايب فيك بموت



## يا وطن جواك غريب

يا وطن جواك غريب  
جواك غلابة وشقيانين  
وجرح مش ممكن يطيب  
جواك بحس بغريتي  
ويا ما تاها سكتي  
جواك عجيب  
يا وطن جواك جريح  
جواك بتسقط ألف شجرة  
وألف غصن في وش ربح  
يا وطن جواك غريب  
يا وطن جواك حزين  
جواك بحس إن الأمل  
مخنوق بيبكي فوق  
بقايا المجروحين  
والظلام جواك رهيب  
يا وطن  
أمتة ألاقي فيك مكان  
أقدر أعيش جواه  
وأحس بالأمان



من غيرما أخاف إنني أتسجن  
أو حتي أخاف إن الأمل ممكن يغيب  
يا وطن جواك غريب  
يا وطن جواك وحوش  
جواك ديا به  
في شكل ناس ما بيرحموش  
بيدوسوا علي كل الغلابة  
بيسرقوا قوت اليتامي  
مبيخافوش  
يا وطن جواك بندفن  
كل ضحكة علي الوشوش  
يا وطن جواك غريب





## وليه مبكيش

وليه ما ابكيش  
وأنا شايف الحقيقة سراب  
وعايشة يا مصر عهد خراب  
وأنا شايفك يا دوب كضباب  
ومين فيكي قوليلي يا مصر  
مابيبكيش

وليه ما أبكيش  
وأنا شايفك بقايا لأم  
ولون علمك بلون الدم  
وشايله يا أمي علي طول هم  
وأنا فيكي ما عارف أعيش  
وليه ما أبكيش  
وأنا شايف مياه نيلك  
دموع تروي مواويلك  
نهارك تايهه وفي ليلك  
وشمسك بارده متدفيش  
وليه ما ابكيش



## انتى اخترتى

انتى اخترتى وخذتى قرارك  
قولتى انسانى وسبنى أعيش  
وحدى فى دنيا لا فيها خيالك  
قولتى ابعده ما تقربليش  
أيوه حقيقى حبيت قبلك  
بس ده قبلك  
لكن بعدك حب مفيش  
صورتك منى خلاص خدتها  
حتى حروفك قطعيتها  
وقلتى خلاص  
أنت فى قلبى مش هتعيش  
انتى اخترتى وخذتى قرارك  
حتى فى قلبى ما فكرتيش  
انا دلوقتى راح أقولها لك  
أنا من غيرك هاقدر أعيش  
أنا من غيرك هاقدر أعيش



## علي مشارف غزة

وعلي مشارف غزة المحتلة  
طفلة تبكي فسالتها  
من أنت؟ ما هذا البكاء؟  
قالت يا عمّ  
أنا طفلةٌ محتلةٌ منذ الصغر  
قد دمر الأعداء داري  
وما تبقى سوى الحجر  
وغطاؤنا سقف السماء  
أخي في جنين مرابط  
وأبي شهيدٌ في القطاع  
والأم صارت جُتةً تحت البناء  
وأنا يا عمّ كما ترى  
لا أبّ لي لا أمّ لي  
ولا أنيس سوى العراء  
فصحبته وأخذت أبحث  
للضماير عن دواء

## عندما حان الرحيل

عندما حان الرحيل  
نظرت إليّ نظرةً  
أثرى ستترك جنتي؟!!!  
أنا لا أصدق  
مستحيل  
وتناثرت بين الجفون  
دمعتان  
تبكي ويبكي القلب  
من سفرٍ طويل  
أنفاسنا خرجت  
تقبل بعضها  
والوقت يمضي  
وما تبقى سوى القليل  
الآن حان حبيبتي  
وقت الرحيل  
وتركت خلفي  
بسمه الأطفال  
والحلم الجميل  
ومضيت في سفري  
ولا أدري  
أأعود أسكن جنتي؟!!!  
أم أن في سفري  
ستبقى نهايتي؟!!!  
لا زلت أبحث عن بديل

## أيا ولدي

أيا ولدي \_ أنا لم أمت \_ قبّل جبيني  
واذهب لحكام العرب كل العرب  
سيشموا رائحة الشهادة من فمك  
فإذا سنّلت فقل لهم  
امسك مسك أبي الشهيد  
أما الحجارة في يدي  
فديارنا قد هدمت  
أيا ولدي \_ أنا لم أمت  
ضمّد جراح القدس وامسح دمعها  
أنا لم أمت.  
فانا تركتكي كي تحقق مجدها  
فدماؤنا للقدس حتما مهرها  
أما العرب فبقايا أمة همهمت  
أيا ولدي \_ أنا لم أمت  
فالأرض أرضي سوف أدفن تحتها  
حتما ستعرفني  
وهل تتوه الأم يوما عن ملامح إبنها  
فانا قتلت لا لنفسني بل دفاعا عنها  
وجنان ربي للشهيد تزينت  
أنا لم أمت \_ أنا لم أمت.

## ودّعنا

ودّعنا يا شهرنا.  
وجمعت أوراق الدُّنوب.  
لكي تُحرِّقها لنا.  
لكنّ في قلبي سؤال.  
هل تقبل مِننا.  
صومٌ وذكُر.  
سَطْرته قلوبنا؟!.  
وقيامٌ ليل.  
طال فيه بُكائنا؟!.  
فهل ستشفعُ عند ربك.  
أم ستشهدُ ضدنا؟!.  
أثرى دموعُ أزرقت.  
في ليلك البكاءُ.  
تغفرُ ذنوبنا؟!.  
أم أنّها ردتْ علينا؟!.  
وقد حَسِرنا جُهدنا؟!.  
أثرى تعودُ ذكراك الجميلة.  
كي تُداعِبُ عُمرنا؟!.  
أم أنّ أكفانَ الرّحيل.  
قد نُسِجتْ وحِدِّدَ دُورنا؟!.  
ودّعنا وقلوبنا تشنّاقُ.  
أنّ تُرجعَ ونسكنُ عندنا.



وَدَّعْتُنَا.

يَا خَيْرَ شَهْرٍ.

فِيكَ جَادَ الْمُنْعَمُ.

أَعْتِقْ يَا رَبِّ رِقَابِنَا.

أَعْتِقْ يَا رَبِّ رِقَابِنَا.

أَعْتِقْ يَا رَبِّ رِقَابِنَا.

## وتبقى بيننا الذكرى

وتبقى بيننا الذكرى تناجينا  
إذا ما ضلّت الأحلام  
يوماً عن مراسينا  
ستاتينا وفي يدها  
بقايا من مأسينا  
فما ذاقت  
قلوب تشتهي حبا  
سوى ألمّ سرى فينا  
وما حصدت سوى الأوجاع  
تمضي في مآقينا  
وتبقى الذكرى مشتاقه  
لتحملنا ماضينا  
فما أذكر سوى الأحزان  
تصبحنا وتبكيها  
وحلمٌ تاه في زمن  
ودنيانا تعادينا  
غريبٌ أنت يا زمن  
فبالآلم تاتينا  
تشقى خطاك في عجلٍ  
لتزرع من بذور الحزن  
فينبت مرّة فينا  
نفتش فيك عن أملٍ  
لنرسمه بوادينا  
ولكن ملّت الخطوات  
من بحثٍ سيضنينا  
وتبقى بيننا الذكرى  
لتاتينا تواسينا  
وربّ جاد بالإنعام  
حتما سوف ينجينا



## عصفورة أنتِ

عصفورة أنتِ  
علي غصن الشجر  
تنظر إليّ كأنها  
خلقت علي وجه القمر  
أنظر إليك كأنني  
مذ الصغر  
قد كنت أهواك  
أشعر باني في خطر  
يا من بنظرها سكرتُ  
فما أفيق  
إلا علي نبضٍ  
تمزق من عيون كالدرر  
الآن أكتب قصتي  
معك بحرفٍ مستتر  
يخفي جوى قلبٍ  
فيعلن أن قلبي  
قد أحبك وانتصر  
فالآن أنتِ حبيبتي



وحيببتي  
من ترتقي عرش القلوب فتستعر  
لا تخجلي مني  
فإني عاشقٌ  
هلا سكنتي الآن  
بين أجفاني  
بشكلٍ مستمر  
فأنا أحبك  
لا لأني مغرم  
لكنه سهم الهوي منك تفلت  
قد أصاب القلب مني فانتشر

## ودي حكايتي

ودي حكايتي  
مع املك الللي مبيشكيش  
ومهما اصرخ في وشه بايه  
يسمعني ويستحملني مبيشكيش  
ولما اهمس في ودنه بسر  
يفضحني ميسترنيش  
وينشر في الوري صوتي  
يبّخ كل أسراري مع القرآن  
وميخبيش  
يوصل صوتي للبدر الللي في الملكوت  
فيبكي خشوع ونوره دموع  
أكيد طاهره لكن يا خساره متوضيش  
ولما أجي عشان أخته بيترجاني  
زود م الآيات آيه بلاش تختم  
يا صاحبي ومن كتاب ربي متحرمني  
وخذ صوتي وسمّع بيه  
قلوب عاصيه لكلام ربي مبتصليش  
أكيد هتلين وتبكي أنين  
ندم يرسم بنوره في توبه ومتعصيش  
وحسيت من كلامه بغيره جواه مني  
كيف ادعي لكتاب ربي  
وهو أصم مبيدعيش  
فقلت أخته لقيته حضني  
قالي بلاش وسيبني يا صاحبي  
سيبني أعيش  
أتاري املك يا اخوانه بقي  
من كتر ما بيسمع كلام ربي صبح درويش

يا رصاصه قولي اتكلمي  
مين اللي قالك تقتلي؟!  
مين اللي قالك تنزعي  
الروح البريئه  
من قلوب كانت بتعشق أرضها؟!  
مين اللي وسوس للزناد؟!  
مين اللي جهزلك عتاد؟!  
مين اللي يتم روح يا دوب  
لسه بتحبي في صخرها؟!  
مين اللي بكّ الأمهات؟!  
مين اللي رمّل في البنات؟!  
ايه اللي يستاهل قوليلي  
علشان يخلي الناس بتقتل بعضها؟!  
يا رصاصه ليه الغدر فيكي؟!  
ومين راشيكي ومين حاميكي؟!  
ومين بيقتل بس بيكي  
ناس بتعبد ربها?!  
مين اللي فرق مسلمين؟!  
فرق ما بين مله ودين؟!  
مين اللي قالك ترسمي بغدرك  
بحور دم الغلابه بقتلها?!  
يا رصاصه ملعون كل شئ  
يقتل في إنسان كان بريئ  
صايم وقايم ولا حارس  
كان بيحفظ عمرها



## قوليلنا

قوليلنا رايحه بينا لفين  
يا مصر يا عاشقه جلاّدك  
يا فاتحاله كمان دراعين  
وساقيه الحزن لولادك  
بخاف منك أنام وأصحي  
ألاقي نفسي عوّاك  
أبيعك زي ما باعوكي  
وعاشوا هما قوّاك  
ودم رخيص علي أرضك  
يا فرحه كل حسّادك  
أنا كافر بتمجيدك  
مانش من ضمن عبّادك



يا تايهه

يا تايهه  
جوه دروب حياتك  
زارعه حزن  
ومعيشه روحك وقلبك فيه  
وبتحصدي نبتك وجع  
وبليل سهر مسموم  
وكتير حاولت اداويه  
ملقتش غير شوك من حيطانك  
جرح ايديا نرفت من جرحك ألم  
أتاريكي غاويه  
تعيشي قلبك كده لوحديه  
بتلومي ليه قلب انجرح  
من شوك طرح من نبت إيدك  
حابه تعذبيه !!???

حان الوداع  
وجوارحي قد أقسمت  
لا عشق يطرق بابنا  
ما عدنا في سوق الهوي  
سلعاً رخيصة قد تباع  
لا حب يسرق عمرنا  
في كل وادي نرتمي  
نبكي ونحرق شوقنا  
دقاتنا تبكي علي  
ما قد لقينا من ضياع  
يا شمس دنيانا اشهدي  
يا ليل غربتنا كفانا  
قد سئمنا كل ألوان الخداع  
ما عدنا عشاقاً نفي  
نخلص لمن باع الهوي  
يا ليتنا بعنا سهاماً أطلقت  
فاصابت القلب المتيم بالصرع  
ما عاد يُسكّرنا هوائك فارحلي  
حان الوداع



أمین أرجع

أمین أرجع أنا بكرة  
أغزل بدقاتي  
للمجد ١٠ فكرة  
أحضن بانفاسي  
أرضك وأصون عِشْرَة  
أنا مهما كان بروضوا  
إبنك أكيد فأكرة  
حلمي اللي كان مرسوم  
من صغري علي الفطرة  
حبك ماهوش بايدي  
ده أنا شوقي صار عبرة  
راجع ياذن الله  
من غيرك أبقى أنا مين





## صباح النسمه

صباح النسمه  
لو ملست خدود مجروح  
بيتبدل لتغريده  
صباح لقلوب بتتمني  
تعيش في الدنيا دي سعيده  
صباح يرسم أمل ويروح  
علي الأوجاع  
يسكنها بتحميده  
صباح مرسوم بضي الليل  
قمر طارح بنوره يقول  
انا راحل لكن سايب  
لشمس الحلم ليكوا شعاع  
بيعلن للإله ذله بتوحيد  
صباح النور بيتمني  
يكونله مكان  
علي ارض الوطن يرجع  
يصحيني كما الأذان  
لكن صبح الأمل مخنوق  
مجرد سطر في جريده

ردودك شاره كاس وسكي بتتطوح  
 ماهش عارفه تكمل سكتي ولا  
 تاخذ بعضيها وتروح  
 وواقفه فوق كيان مدبوح وبتنوح  
 لكن مش قادره حتي تبوح  
 ومحتاره وبتشوح  
 يا ساقى الكاس لرد قليب بيترنح  
 بلاش السكر عمره ما قلب بيريح  
 وريحته مرار وبتفوح  
 يا ظالم قلب كان عاشقك ويتمناك  
 تمد ايديك وتخطف بسمتك تفرح  
 وتحجز في الأمل مطرح  
 يا شارد والعيون جواها دمع حزين  
 مانش عارف بتهرب ليه ورايح فين  
 عيونك نفسها تفرح  
 وليه واقف وقلبك لسه محتاجني وبيقاوح  
 وحالف لو يفارقني معدش لدقته طارح  
 ومهما تحكي أو تشرح  
 دموع الحزن في عيونك بتحكي لي  
 ودقه قلبك اموجوع بتشكي لي  
 وتترجك بلاش تجرح  
 بلاش تزرع يايدك نبت كله مرار  
 بلاش تبعد تسبب احلام سنين تنهار  
 ده لسه في قلبي ليك مطرح

## وبدعيلك

وبدعيلك في عز سجودي وصلاتي  
بفرحه تظمن القلب اللي كان مشغول  
بدقه قلب مش خايفه تعيش في حياه  
وهم كبير علي قلبك بانه يزول  
وبدعيلك ومش بنسي ولا هنسي  
وهفضل ادعي بوجودك كده علي طول  
يا رب الدنيا تضحكك تمد أيديها تفرحك  
وتوهبك كمان بسمه وفرحه تنول  
يا لحظه شوق كانت تتمني بس تعيش  
متستاهلش تعيشي في حزن مهما أقول  
مانيش عارف وحتى كلامي ما يكفيش  
عشان يوصف مدى شوقي اللي كان موصول

## حلم الصبيّه

حلم الصبيّه في صغرها  
كان انها تعشق صبي  
ويقل اصله بجرحها  
وتعيش بقي مع حزنها  
تكتب في اشعار مجروحين  
واملخدوعين كده زيها  
وتبات ليالي تشكي ويل  
وازي يخونها في حبها  
وتلعن في دقات قلبها  
علشان خلتها في يوم تميل  
تعشق في واد ويذلها  
وتبدا بقي تبكي بدموع  
تكتب قصايد قهرها  
وجريت بقي علي ستها ( جدتها )  
تحكي اللي شاغل فكرها  
طبعا خدت قلمين هزار  
ازاي صبيّه في سنها  
تحلم بحب يهزها  
وقعدت بقي تنصح لها  
كبرت وصاحبتنا النصيحه  
طبقتها بحرفها  
قفلت علي قلب البيبان



خافت عشان اكمزها  
لسه مجاش بقي وقتها  
وجالها يوم شاب وجدع  
لخبط كيانه وحسها  
كان الكلام ده لعبته  
لكنه كان مخلص لها  
حبت ونسيت انها  
قافله علي القلب الحيطان  
سرحت في لحظات عشقها  
لكن منسيتش الكلام  
ولا حلمها من صخرها  
وقررت فجاءه البعاد  
مفكرتش في نفسها  
ومكنتش اعرف ان انا  
هبعي ضحيه حلمها

إلي وطن  
زرعت الحب  
في أحضان تربته  
فكان القبر ماواه  
وصرت أكابدُ الويلات  
عمرًا من خطاياها

إلي حضي  
سقاني الحزن ألواناً  
فغربني وأبعدني  
وكنت بسالف الأيام  
مشتاقاً للقياء

إلي أمل  
يجيد القتل في صمت  
وكنت اظنه حصني  
فراح يمزق الأحلام اشلاءً  
فكيف اليوم أهواه

إلي ظلم  
يجوب الأرض في وطني  
فيسقي باللظي الأحرار ألواناً  
فمعتقلٌ ومغتصبٌ  
وألبس ذاك ثوب الموت  
والإعدام أرداه

إلي وطن  
نويت بان أحرره  
ظننت بانني من قبل اعرفه  
مددت يدي لانقذه  
فنزع القلب من صدري وألقاه



## قالوا

قالوا الغريب محروم  
واقفه في طريقه ظروف  
صمت الغريب آثات  
تشبه في صوتها دفوف  
قلب الغريب مجروح  
مقدرش حتي يشوف  
الغربه غربه وطن  
عاش فيه غريب مدبوح  
مفروض عليه الموت  
وانينه غير مسموح  
مكتوب علينا الهموم  
وأخرنا بس النوح  
سيبك يا عم الغريب  
الدنيا دار ببايين  
قالها زمان نوح  
مهما تعيش فيها  
لازم في يوم هتروح

بهرب

بهرب من الواقع  
بحلم جميل  
برسم وأقول  
يمكن تروق بكرة  
لكنّ طبع القلب  
طبع أصيل  
مش قادر انسي  
حاولت ١٠ مرة  
برجع لماضي  
وغصب عني بميل  
ذكري يعيدها  
القلب وبكثرة  
عايش حياتي كاني  
ليسّه أسير  
ليه الحياه بعدك  
بقت مرة  
يمكن عشان عاشقك  
وعشقي قليل  
وياك بعيش اجمل حياه حرة  
خليك بعيد وسايبلي  
قلب عليل  
يارب من عندك بقى عمره



## أنا لا زلت أذكرها

يمر الدهر والأيام تاخذني  
الي ذكري ماضيها  
يدق القلب في شوقٍ  
فيسألني  
أتذكرها؟؟!!!!!!  
يُجيب القلبُ في عجلٍ  
أنا لا زلتُ أذكرها  
بضحكتها بخفتها  
بقلبٍ نابضٍ فيها  
بحرفٍ كان يُسكّرني  
إذا ما خَطَّت الأقلام  
سطراً من معانيها  
أنا لا زلت اعشقها  
نعم ما زلت اعشقها  
كطيف يحمل النسَمات  
شوقاً من أراضِها  
فيرسم في سماء الكون  
عطراً كنت أهديها  
وتسالني  
نهور الدمع في عيني  
ما تبكي؟؟!!  
ما تشكي؟؟!!



همومٌ فجّرت دمعِي  
نهورا من ماأسيها  
فقلت هواها في قلبي  
يداعبني ويأتيني فيأتيها  
وأنثر في الوري حرفي  
فتقرأه بعين الشوق يبكيها  
نعم لا زلت أسكُنُها  
ومن في الكون ينسيها

## وخذني الرسم

وخذني الرسم من حرفي  
ونساني الكلام ازاي  
حاولت اهرب كثير بيهم  
لكن القلب مش نساي  
فقولت اكتب كمان وارسم  
صور تحميني عمري الجاي  
تنسيني اللي راح مني  
ترجعني ل نفس خطاي  
لقيت قلمي بيضحكلي  
وفجاءه السن راح بكاي  
بتضحك ليه علي نفسك  
وتعزف لحن حزن بناي  
ودقه قلب مجروحه  
مكنش البعد عمره دواي  
رميت قلمي وأوراقي  
وقلب في لحظة كان غواي

## أكبر سجن

هي أكبر سجن  
لأمم كل حر  
عاش شريف  
هي دايمًا كات بتشندق  
كل بني آدم ضعيف  
هي دايمًا كات بتحرم  
كل مصري حر عاشق  
كان بيحلم بالرغيف  
ليه بتبنوا فيها سجن  
هي أكبر سجن لكن  
سجن حتى مش نضيف

## س ل ا م مسافات

وكان اخر كلام بينا  
( س ل ا م ) في الشات  
ياريت حتي كانت كامله  
كانت متقطعه مسافات  
ودمعه حزن مشنوقه  
علي الحسابات  
وصورة علي الغلاف شاهده  
علي اللي مات  
علي الحب اللي كان موجوع  
علي وقت الفراق بينا  
ملهش رجوع  
علي حبه كمان أزمات  
لا انا كاره  
وحالف اني ما اكرهها  
ولا حبيب بان بحرفي اجرحها  
ده ياما داويت في اوجاعها  
وبدلت الالهات ضحكات  
وجرحت قلب كان عاشق  
وطالبه بانه يسامحها  
ده حتي عمره ما جرحها  
وشايف دمع في عينيها  
بيوجعها



وحسيت انها خايفه لتنطقها  
معدش خلاص كلام بينا  
معدش حاجات؟؟؟!!  
اخرها يكون سلام بينا  
س ل ا م مسافات  
ف سين (س)  
سابت طريقنا يتوه في أوجاعنا  
ولام. (ل)  
ملت حروف كلماتها والمعني  
وهمزة. (ا)  
أيدين خانت شعور بالحب  
كان حالف ليجمعنا  
وميم. (م)  
مات الكلام بينا  
وولعنا في ام الشات

## إليك زوجتي اكتب

إليك زوجتي اكتب  
بان الشوق للايام يقتلني  
وليل الغريه الخرساء يسالني  
متي نرجع !!??  
فيعلو الصمت في همس فينهرني  
اجب عني سؤال الليل في الغريه  
اما تسمع !!??  
فاسمع صوت دقاتي يعاتبني  
وياتي القلب في غضب يخاطبني  
وكل جوارحي ثارت تطالبني  
بان اخضع  
وصار الموقف المعتاد  
في ليلي يحاصرني  
وحتي الفجر يامرني  
بان اركع  
فهل اركع !!??  
وجاء النوم في ثوب مهلهله  
يجر خطاه في هزل  
وفي عيناه نهر الدمع منهمر  
سعيد انت بالغريه !!??  
اما تشفع !!??  
وكيف الحكم في امر يورقني  
وخوف جاء بالاجاع  
يضمنيني يمزقني  
وما اصنع !!??  
بلاد مزقت عمري تساومني  
تريد الآن ان ترجع !!??  
فهيا ادفع

## أخطات حين أخترتها

أخطات حين أخترتها  
املاً يزيل الهم من تلك الحياه  
ما زال هماً  
بل بني في القلب قبرا  
يجمع الأشلاء مني  
يرسم الأوجاع جسرا من شقاه  
أخطات حين وهبتها  
قلبا يصارع موته  
من أجل ان يرسم دروب العشق  
في دنياها في كل اتجاه  
أخطات حين رسمتها  
نجماً يضيء الكون نورا  
في سماء الحلم يرقص من هواه  
لكنها  
صارت لظي غدرٍ  
تُحرقُ مهجتي  
تقضي علي نبضٍ تبقي  
من ملامح عزتي  
وسقيت أنهار المرارة من جفاه



قولي

بان الزهر في عيذك

قد جفت منابعه

ما عاد يرويني

وقد حان الوداع

قولي

بانك قد كتبتني نهايتي

قدري بان احيا طريدا

في متاهات الضياع

فالآن اكتب قصتي

وجع تسطره الحروف بادمعي

الم يمزق مهجتي

يقتل سنين العمر

مني ما استطاع

قولي

بان الشمس في دنيا الهوي

قد أعلنت عصيانها

غربت فلن تشرق ولن ترسل

الي دنيانا دفنا او شعاع

الآن اكتب قصتي

امحي بقايا احرف سطرته

عشقا وحباً في رحاب القلب

في دنيا الخداع

فلترحلي ولتاخذي ما قد تبقي

من شموع الغدر قد اشعلتها

فانا سنين العمر عندي لا تباع

انا بعترفلك  
ما قولت اني بحبك  
كان في لحظه ضعف مني  
ومش هتتكرر كمان  
يكفيني اني قد عشقتك  
نجما يحلق في سماء الطهر  
في هذا الزمان  
زمن اللي حبك صار ضعيف  
كان فاكر انه عاش حياته  
زيف في زيف  
حاول يعيش الحب جواكي بامان  
لكنه شرب المراره كاسها  
والقلب اصبح شاخصا  
فجاءه ارتخت مني اليدان  
ليه ما احاول امسك  
او حتي اقرب قلبي منك  
ألقاكي بانياي في سدود  
راسمالي كم من الحدود  
قلبك ضحيه ومش جبان  
هلا اجبتي حبيبتي  
القرب منك جريمه وفعلتها؟؟!!  
او كل من يعشق مهان؟؟!!  
مش ذنبي اني اخترت ليك  
قلب بجوارحه يخاف عليك  
قلبي اللي عاش طول عمره  
حالف يفهمك  
لو حتي من نظرة عينيك  
هو اللي عمره في يوم ما خان

قالوا ثورة  
قولنا مرّة  
قالوا جرب بس مرة  
جت مؤامرة  
وبعدھا جت ليھا ضرّة  
بنت سونيا  
لحد ما وصلنا طفيش  
لا فقر اتسد  
وموتنا بجد  
لا شفنا السبت ولا جه حد  
وإثيوبيا بنتلنا سد  
وميه نيلك الصافية  
بقت عكرة ومبترويش  
واسعار نار  
وعيشه مرار  
وشعب انهار  
وضرب النار  
بقي بيقتل وميسميش  
لا طفل سابوه  
في حبس رموه



وقتلوا ابوه  
وعذبوا اخوه  
وأم لوحدها صابرة ومبتكيش  
وده حالك  
يضيع مالك  
ويحلالك  
تشوفي رقابنا في حبالك  
وحتي بدعوه تنقذنا  
بخيله ورافضه مبتعديش

## البقاء لله لوحدہ

البقاء لله لوحدہ  
والكل متلقب بالقاب الفناء  
هو راحل هي راحله  
هي ماتت هو مات  
والكون هيصبح يوم سكات  
والروح مسيرها في يوم تفارق  
والجسد هيكون رفات  
بص العقارب في الساعات  
بتقولنا حبه حاجات  
مهما بقيت عايش  
بتجري في الحياه  
عمرك ده متقسم حالات  
ايام وبقياك تعيشها  
وعمر عايشه  
وكتير في ايام الصبا  
في الذكريات  
والعمر فات  
واسمع لدقات القلوب  
بتقول يا ريت تلحق تتوب  
وامسح بدمعاتك ذنوب  
واستغفر المولي  
وتوب م السيئات  
مهما بلغت من الحياه  
لازم هتيجي في يوم تموت



أما البقاء لله لوحدہ  
والكل في الكون كله  
هالك إلا وجهه  
لساك بتدفن برضوا  
رأسك في الرمال!!؟؟  
لساك بتستقوي بنفوذك!!؟؟  
لساك بتتحمي في رجال!!؟؟  
في القبر مفهوش حد غيرك  
جهزت نفسك للسؤال!!؟؟  
ولا الأمل لجم لسانك!!؟؟  
خلاك فقدت المعطيات

## قلبي كان

قلبي كان هيموت عليكي  
كنت حاسس من سكاتك  
شئ غريب جوّه في عينيكي  
دمعه مش ناويه تبوح  
كنت حاسس اني جذبك  
بس مش قادر أساعدك  
كنت حاسس ان ذنبك  
انك انتي شئ طموح  
كنت بدعي ربي دايمًا  
يكشف الكرب اللي صابك  
يرحم الدقه اللي دقت يوم مصابك  
يرحم القلب اللي عاني كثير جروح  
كنت بسهر ليلي أفكر  
قولي يا ابني ازاي هتقدر  
تمحي عنها ليل مكدر  
ولو هتفديها بروح  
كنت حاسس اني عاجز  
رغم قرب القلب منك  
بس فيه بينا مراكز  
كنت باتمني اطيرك  
جوّه مني كثير شروح



لو هقول وأوصف مشاعري  
مش هيكفي الف معني  
من حروفي ولا شعري  
كنت حاسس ضهري محني  
بعد ما بنيتي بهواكي  
لقلب عاشقك م الصروح  
فجاءه حس بانه واحد  
بعد ما كئا يا املي  
اتنين في واحد  
قلبي حس بانه جاحد  
ما سبته كان ينوح



أخببيكي في قلبي لخوفي  
من روعي وعيون الناس  
وأوقفك عيون حراس  
ودقت قلب تشتاقلك  
تقولي خلاص  
أنا مش قادرة أخببيها  
ده هو النبض والإحساس  
وأيد تشتاق للمسّه أيد  
وقلب بعمره يتمني  
يكون ليكي يا عمري مداس  
أخببيكي في نين العين  
وهفتحك كمان دراعين  
واسخرلك كمان نبضي  
يكون ليكي  
في ليل الضلمه والاحزان  
كمان نبراس  
واعيش في دنيتك عاشق  
يفطر قلبك المشتاق بدقاته  
يغديكي بإحساسه  
يعشيكي حنان القرب من ذاته  
ويفرشلك كمان قلبك بكل الماس  
وأخر الليل تنام عينك في عيني بميل  
واغنيك كلام الحب والموواويل  
وأخببيكي في حضن الشوق  
واقفل حضنه على قلبك بـ ١٠٠ تراس



## يا حمّال الهموم

يا حمّال الهموم نزل  
همومك ليها وقت تزول  
وحاول تنسي يوم يمكن  
تعيش فيها براحه بال  
كتير قبلك عاشوها بليل  
وكان وسط النهار مشغول  
فسلمها لرب جليل  
فهدها ربي هد جبال  
يا قاسم روح علي نصين  
كفايه عذاب وجمعها  
وحابب تشكي دايمًا ويل  
وتسمع فيها كام موال  
يا حمّال الهموم سيبك  
بلاش ترجع وتسمعها  
مدام قوتك هنا في جيبك  
بلاوي الدنيا راح تتزال

## وجعك ووجعي

وجعك ووجعي ميفرقوش  
عن بعض في الإحساس  
بركان اهات حالف يهد كياني  
وقرار بعادك مش عشان أنساك  
ولا حتي علشان اترمي في أحزاني  
انا جوه مني مش كلام وخلص  
إحساسي بوجودك اكيد قواني  
مهما بعدت في دنيتي راجع  
انسج خيوط الحب من ثاني  
شوقي لوجودك جنبي مستحيل ينداس  
انا عشقي ليكي كتبته انا بدمي  
مهما قفلت في قلبي ١٠٠ تراس  
بلقي كلامك في الوجود صحاني  
بصي لكلامي في كل حرف اهات  
حالفه لتنزف دمعها علشاني  
مش معني أني قبلت لحظه وداع  
يبقي الحنين جوايا مش بيعاني  
لو للألم صوت يتسمع بأذن  
او للجراح ملمس تحسه الايد  
كانت قلوب عاشقه كتيره ماتت  
والكون جباله اتزلزلت واتهدت  
وبرضوا ولا كفاني

ما فجاءه سمعت صوتك  
قلبي حس بانه طاير م السعادة  
ياااه يا املي  
لو تدوم الضحكه فوق خدك بحس  
بان طعم الدنيا دي اصبح زياده  
بس نفسي في صورة منك  
نفسى احفظ يوم ملامحك  
عشان ما أقول يا رب  
وادعي ليكي في العباده  
ألقي صورتك جوه مني تقول أمين  
يارب تجمع شمل كل الملتاقين  
حبي ليكي صار حياه  
مش مجرد لحن متغني في كلامي  
ولا عادة  
قولي يلا واصرخي بكلمه بحبك  
وامسكي نجوم السما  
وعلي شطي اجري بضحكتك  
من غير هواده  
ولو صحيت ملقتش اسمك بين رسائلي  
بلقي طعم الشات بيقلب  
مره واحده لطعم ساده  
وألقي دقات قلبي وقفت  
وألقي روعي من زعلها  
غصب عنها  
رايحه جاية على العيادة

## قالوا يا أمه

قالوا يا أمه اكتب كلام  
يوصف الام في سطور  
قولت لو كان ع الكلام  
فانتي بالنسبة لي نور  
لو غفلتي في لحظه عني  
ببقي ني الارض بور  
انتي بالنسبه لي جنه  
بتحاوطني بالف سور  
انتي بالنسبه لي دعوه  
لو رفعتي ايديكي لحظه  
تنزل الرحمات نهور  
فاكره يا أمه????  
ما داء الياس صابني  
في لحظه كل الناس باعتني  
وحضنك عمرة يوم ما خاني  
كنتي دايمًا تغسليني بدمع عينك  
لأجل ما تداوي الكسور  
تسلميلي ويسلم البطن اللي شالت  
ابن زيي تسح شهور

بص يابا

بعد ما كبرت وبقيت في المستأليه

عرفت انك لما كنت

بتزعقلي مكنش قسوه

بس انا اللي كنت دايمًا

سيئه الزيه

عرفت انك لما كنت بتبرقلي

ولا تشخط حتي فيا

كان ده بس من حبك

ومن خوفك عليا

بص يابا

بنتك الغاليه

اللي ياما وصيتني عليها

قبل ما تجيك املنيه

جوزتهالك ولما سالتها

كانت بتحمد ريبها

عائشه ومتهنيه

وكنت دايمًا لما أزورها

تشوفني تبكي

اروح اطبطب فوق كتافها

بتقولي اصلك بتفكرني

بدخلت المرحوم دايمًا عليا

شفت يابا حتي بنتك

قلبت كل المواجه

اللي ساكنه ومتداريه



وما يرجع بلقي ربحتك  
في الشيلان او في الطاقية  
وما بمسك مرة صورتك  
واعرف انك لما مت  
خلاص خسرتك  
بلقي دمع بحور بينزف من عينيا  
وكنت بدعي وأقول يارب  
نفسى اعرف  
هو ابويا لما مات  
كان راضي عليا ؟؟؟؟

وباتمني.

أجيك ولو في ابعء كون.  
ما انا عاشق انا امجنون.  
انا اللي وهبتك البسمه.  
انا اللي رسمتك النسمة.  
وعيشتك في قلب حنون.  
ما انا العاشق انا امجنون.

---

حلفت بانى هوفيك.  
ولو علي نفسي راح أجيك.  
وانورك سواد ليك.  
واحول كل مواويلك.  
أغاني وفرحه مهما يكون.

---

عشانك سبت دنيايا.  
عشقتك احلي ضحكايا.  
تعالى يا عمري ويايا.  
نعيش اجمل غرام بجنون.

---

هتمسكي أيدي وتعدي.  
علي الاحزان ولا تهدي.  
كفايه ان انتي هنا جنبي.  
وكوني لقلبي مهما يكون.





---

هغذيكؑ كما العاشق.

ولا هذبعد ولا نفارق.

روحين بجسد ما يتفارق.

وجواه عشق كان مسكون.

---

هطبطب فوق كتاف عمري.

وهوهبلكؑ كمان عمري.

لحد ما تكبري وتجري.

في دمي تسطري فرحي.

تداوي الآه من جرحي.

بلمسه أيد وسكّني عيون.





ولا حتي لما ابعد يوم تحسي .....  
ولا حتي للفقير يمكن تبصي .....  
فالحه بس تدوخينا .....  
وفي حساب اللي ظالم .....  
من مالك ترصّي .....  
وكله من عرقي وشقايا .....  
يلا قولي وسمعي .....  
كلمه الحق لجنايبك .....  
مين اللي صانك .....  
مين بدمه اللي خطط فوق حيطانك .....  
يسقط يسقط كل خاين او عميل .....  
بصي في سجونك مره .....  
عدّي فيها كام الف حره .....  
وقبلهم بنت الغزالي .....  
داقت فيها ليالي مره .....  
لسّه واقفه تفكري .....  
ازاي تجاوبي علي السؤال .....  
هو صعب ولا قاسي او محال .....  
هي قامت فيكي ثوره .....  
ولا دي كانت مؤامره .....  
لأجل ما تزيد الضحايا .....

## قوله أه

قوله أه

وقوله ١٠ مليون بحبك

ما فجاه شفت صورتك

شفت ١٠ الف ابتسامه بتترسم

كده فوق شفايفك

وشفت في العين ابتسامه بتجري

تحضن نن عينك ما قوله

أني عشقتك

أه عشقتك

أه عشقت الطفلة فيكي بانطلاقها

بتجري تنظط كانك الكون ده ملكك

أيوه شفتك

شفت في ملامحك براءه طفل كان عاشق

يخلي الكون ده جنه

والبشر ملايين بتجري تحضن الفرحة بعينيها

وكل ده بسبب براءتك

وما بصيت جوه صورتك

غصب عني لقيتني بصرخ

أه بحبك أه عشقتك

أه عشقت النظرة في عينيكي الجميلة

اللي ياما كتير خدتني

لأجل ما اتكحل بنظرتها

اللي ياما كتير قالتلي

أه بحبك



ولقيت جوارحي  
كل ليله تجيب في سيرتك  
وكل ده علشان بس شفت صورتك  
امال يا حب العمر  
ايه هيكون مصيري  
لو شاء القدر  
وفي يوم قابلتك؟!!!

أنا التايه في ملكوتك  
قوليلي عملتي ايه فيا  
يا حوريه ونازله م السما تنده  
ورد القلب قال سامح  
اكيد دي بتنده عليا  
فقولت اسكت بلاش اوهام  
يا قلب دي م السما جايه  
ومين ابقي عشان تنزل  
لدقه قلبي حوريه  
فقال بص في عيونها وشوف  
ده نن عيونها مال ليا  
ولمسه أيدها مشتاقه وبتقولي  
انت واقف ليه  
هو انت فاكرني جنيّه؟!!!  
انا الحب اللي كان ساكن  
في قلبك من سنين ليا  
انا الدقه اللي مرسومه  
بروحي ورسمي أنسيه  
انا العشق اللي كان ممنوع  
انا الشعر اللي مكتوبلي  
وساكن روحي وعينيه  
انا الحرف اللي كان راسم  
ملاحي وكل شئ فيا  
انا اللي نزلت م الجنه  
عشان قلبك يكون ليا